



Broj: 16-12-16-2-3920- ~~6~~ /16
I. Sarajevo, ~~04.08.~~ 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-3920/16 od 01.08.2016. godine, u postupku javne nabavke usluga održavanja softvera za potrebe Državne agencije za istrage i zaštitu, direktor Državne agencije za istrage i zaštitu,

d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku usluga održavanja softvera za potrebe Državne agencije za istrage i zaštitu,

Član 1.

Prihvata se preporuka Komisija II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-3920/16 od 01.08.2016. godine i ugovor o kupoprodaji usluga održavanja softvera za potrebe Državne agencije za istrage i zaštitu dodijeljuje i to za:

- LOT 1- Održavanje i podrška AMLS sistema, ponuđaču „PING“ d.o.o. Sarajevo, ponuda broj 16-12-16-2-3920-3/16 od 11.07.2016. godine, za ponuđenu cijenu od 11.400,00 KM bez uračunatog PDV-a i
- LOT 2- Održavanje DMS sistema, ponuđaču „ORKA“ d.o.o. Sarajevo, ponuda broj 16-12-16-2-3920-4/16 od 11.07.2016. godine, za ponuđenu cijenu od 17.100,00 KM bez uračunatog PDV-a.

Član 2.

(1) Ponuđač „ORKA“ d.o.o. Sarajevo obavezan je ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaz iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Prijedlog ugovora o uslugama dostavit će se na potpis izabranim ponuđačima, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga održavanja softvera za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-2-3920-1/16 od 09.06.2016. godine procijenjene vrijednosti 28.600,00 KM bez uračunatog PDV-a, za šta su novčana sredstva predviđena u okviru budžetskih sredstava za 2016. godinu. Postupak javne nabavke proveden je putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-2-497-3-34/16 od 29.06.2016. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-3920/16 od 01.08.2016. godine sa preporukom o izboru najpovoljnijeg ponuđača u postupku javne nabavke usluga održavanja softvera za potrebe Agencije.

Na osnovu dostavljenog Izvještaja o radu Komisije, utvrđeno je da je predmet javne nabavke podijeljen na lotove, kako slijedi:

- LOT 1- Održavanje i podrška AMLS sistema, procijenjene vrijednosti 11.500,00 KM bez uračunatog PDV-a i

- LOT 2- Održavanje DMS sistema, procijenjene vrijednosti 17.100,00 KM bez uračunatog PDV-a.

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 11.07.2016. godine do 13,00 sati, te da se ponude dostavljaju u zatvorenoj koverti, Komisija je dana 11.07.2016. godine u 14,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno ukupno dvije ponude i to:

Redni broj	Naziv ponuđača	LOT	Vrijednost ponude (bez PDV-a)
1.	„PING“ d.o.o. Sarajevo	LOT 1	11.400,00 KM
2.	„ORKA“ d.o.o. Sarajevo	LOT 2	17.100,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „PING“ d.o.o. Sarajevo i „ORKA“ d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Konkurentskom zahtjevu.

Komisija je u cilju ocjene tehničkih uslova navedenih u Konkurentskom zahtjevu od Finansijsko-obavještajnog odjela aktom broj 16-12-16-2-3920/16 od 12.07.2016. godine, tražila da na osnovu uvida u pristiglu ponudu ponuđača „PING“ d.o.o. Sarajevo za LOT 1- Održavanje i podrška AMLS sistema, dostavi stručno mišljenje u vezi postavljenih tehničkih uslova. Finansijsko-obavještajni odjel aktom broj 16-05/3-16-2-392/16 od 01.08.2016. godine, potvrdio je da dostavljena ponuda zadovoljava tehničke uslove postavljene Konkurentskim zahtjevom. Takođe, Komisija je u cilju ocjene tehničkih uslova navedenih u Konkurentskom zahtjevu od Sektora za operativnu podršku aktom broj 16-12-16-2-3920/16 od 12.07.2016. godine, tražila da na osnovu uvida u pristiglu ponudu ponuđača „ORKA“ d.o.o. Sarajevo za LOT 2- Održavanje DMS sistema, dostavi stručno mišljenje u vezi postavljenih tehničkih uslova. Sektor za operativnu podršku aktom broj 16-10-16-2-3920/16 od 18.07.2016. godine, potvrdio je da dostavljena ponuda zadovoljava tehničke uslove postavljene Konkurentskim zahtjevom.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 9.1. Konkurentskog zahtjeva, konstatirajući da ponuda ponuđača „PING“ d.o.o. Sarajevo podliježe primjeni preferencijalnog tretmana domaćeg, dok ponuda ponuđača „ORKA“ d.o.o. Sarajevo ne podliježe primjeni preferencijalnog tretmana domaćeg, te je sačinila rang listu ocijenjenih ponuda, kako slijedi:

LOT	Naziv ponuđača	Vrijednost ponude (bez PDV-a)
LOT 1	„PING“ d.o.o. Sarajevo	11.400,00 KM
LOT 2	„ORKA“ d.o.o. Sarajevo	17.100,00 KM

Nakon provednog postupka ocjenjivanja dostavljenih ponuda, te stručnog mišljenja Finansijsko-obavještajnog odjela i Sektora za operativnu podršku, Komisija je utvrdila da je ponuda ponuđača „PING“ d.o.o. Sarajevo, ocijenjena kao najpovoljnija ponuda za LOT 1, dok je ponuda ponuđača „ORKA“ d.o.o. Sarajevo, ocijenjena kao najpovoljnija ponuda za LOT 2.

Shodno navedenom, prihvaćen je prijedlog Komisije i odlučeno je da se ugovor o kupoprodaji usluga održavanja i podrške AMLS sistema dodijeli ponuđaču „PING“ d.o.o. Sarajevo, te ugovor o kupoprodaji usluga održavanja DMS sistema dodijeli ponuđaču „ORKA“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

